

MANYAM FRANCHISED TESTS | KCPE KISWAHILI 2006

Maswali 1 mpaka 15.

Soma vifungu vifuatavyo. Vina nafasi 1 mpaka 15. Kwa kila nafasi umepewa majibu manne hapo. Chagua jibu lifaaloo zaidi kati ya yale uliyopewa.

Kandamiza hakujuua thamani 1 watoto 2 siku moja 3 na ulimwengu. Alizoea kuwatumikisha watoto wadogo kwa 4 kuwaajiri watu wazima asije akajiumiza kwa kuwalipa mishahara mikubwa. Siku moja mwanawe mmoja ambaye 5 kuyamudu masomo aliamua kuondoka nyumbani bila kuaga. Kandamiza alipogundua kuwa mwanawe 6 mjini alihuzunika mno. Moyoni Kandamiza alijua kuwa mtoto huyo 7 jinsi ye ye aliyyowafanya watoto wa wengine.

- | | | | |
|-------------------|----------------|---------------|----------------|
| 1. A. wa | B. la | C. za | D. ya |
| 2. A. sasa | B. hadi | C. tangu | D. lau |
| 3. A. alipofunzwa | B. alikofunzwa | C. aliofunzwa | D. aliyefunzwa |
| 4. A. kuchelewa | B. kupenda | C. kuchelea | D. kupendelea |
| 5. A. hawezi | B. hakuweza | C. hataweza | D. hajaweza |
| 6. A. ametoroka | B. ametoroshwa | C. ametorokea | D. ametorosha |
| 7. A. angetesa | B. angemtesa | C. angewatesa | D. angeteswa |

Taifa lolote 8 wananchi wenyе afya. Magonjwa 9 nchi hasara 10 11 pia huwa mzigo mzito kwa mtu binafsi. 12 ya magonjwa hutokana na 13 usafi. 14 huweza kuzuiwa iwapo wananchi wataitikia wito wa kunadhifisha makazi 15.

- | | | | |
|--------------------|-------------|--------------|---------------|
| 8. A. huhitaji | B. hahitaji | C. yahitaji | D. lihitaji |
| 9. A. hailetei | B. haileti | C. hayaileti | D. hayailetei |
| 10. A. ajabu | B. kamwe | C. tu | D. naam |
| 11. A. bali | B. mbali | C. na | D. ijapokuwa |
| 12. A. Bainা | B. Baadhi | C. Kati | D. Zaidi |
| 13. A. kutodumisha | B. kutodumu | C. kudumisha | D. kudumu |
| 14. A. Hii | B. Hizi | C. Hiyo | D. Haya |
| 15. A. lao | B. yao | C. zao | D. wao |

Kutoka swali la 16 mpaka 30, chagua jibu lililo sahihi.

- 16.** "Ki" imetumijwaje katika sentensi: Mweni alipokuja alinipata nikifyeka.
A. Kuonyesha hali ya masharti
B. Kuonyesha hali ya kukanusha
C. Kuonyesha hali ya kuendelea
D. Kuonyesha hali ya udogo

17. Ni sentensi ipi sahihi?
A. Ndizi lilioletwa ni langu
B. Miti zilizopandwa zimeota
C. Zulia iliyonunuliwa ni zuri
D. Wema unaozungumziwa ni huu

18. Miongoni mwa sehemu hizi za mwili, ni sehemu ipi ilio tofauti na zingine?
A. Paja
B. Kiganja
C. Pafu
D. Goti


19. Polepole, Vibaya, Alasiri, Njiani, ni
A. Vielezi
B. Vivumishi
C. Nomino
D. Viwakilishi

20. Methali inayotoa funzo kuwa: Jambo linaloonekana zito kwa mwingine laweza kuwa rahisi kwako, ni:
A. Bahati ya mwenzio usiilalie mlango wazi
B. Mzigo wa mwenzio ni kanda la usufi
C. Kila mwamba ngoma ngozi huvutia kwake
D. Ganda la muwa la jana chungu kaona kivuno.

21. Sentensi "Asingalikwenda kwake asubuhi asingalimkuta" ina maana kuwa:
A. Hakuenda kwake asubuhi lakini alimkuta
B. Alienda kwake asubuhi lakini hakumkuta
C. Alienda kwake asubuhi na akamkuta
D. Hakuenda kwake asubuhi wala hakumkuta

22. Ni maneno yapi ambayo yote ni viunganishi?
A. ila, ingawa, lakini, maadamu
B. huyu, hao, ovyo, na
C. ila, lakini, vizuri, wima
D. ingawa, isipokuwa, zuri, safi *

23. Kivumishi cha sifa kutokana na kitenzi angaa ni:
A. Angaza
B. Angazia
C. Angavu
D. Angalau



Soma taarifa hii kisha ujibu maswali 31 mpaka 40.

Huko Tujueni aliishi mtu kwa jina Mkazeni. Mkazeni alikuwa maarufu katika kutabiri ndoto. Alijulikana pia kwa kuyadadisi mambo yaliyozuka humo kijijini mwao. Kwake kulifurika watu ambao aliwahudumia bila malipo.

Wakati fulani Mkazeni alioteshwa kuwa kulikuwa na magari na matrela ambayo yalikuwa yakisimamishwa humo kijijini. Madereva wake walikuwa watu waliojaa wadudu tele m'wilini. Madereva hao walikuwa wakiwalaghai vijana kijijini huku wakiwaachia "zawadi" zilizoleta "vilio". Alipowaeleza wanakijiji wakamcheka na kumwambia, "Sasa nguvu zako za utabiri zinapotea. Utawezaje kufikiria kuwa magari hayo yataleta balaa? Magari hubeba mali!"

Ingawa maneno hayo yalisemwa kiutaniutani, yalimchoma maini, akaamua kufyata ulimi na kukaza nia yake. Alijitahidi kuihimiza aila yake kuhusu umuhimu wa tabia njema.

Siku nyingine tena akaota ndoto kuwa huko Tujueni kumeingia joka kubwa liliowameza vijana wengi. Ingawa wanakijiji walikuwa wamempuuza hapo awali, aliwafafanilia ndoto hiyo nao wakazidi kumcheka. "Sasa tena utabiri umeleta mambo ya nyoka? Tangu uzaliwe umewahi kumwona nyoka kama huyo?" Hapo Mkazeni akaona amedharauliwa kupita kiasi, akaamua "kujimezea" utabiri wake mwenyewe, lake liwe jicho tu. Watu ambao waliamu kutojjihadhari kabla ya hatari, angewafanya nini? Kidole kimaja kingevunjaje chawa?

Miaka michache ikapita, nayo magari na matrela ya kikweli yakafika pale na kupafanya kituo cha mapumziko. Madereva wakaiona sehemu hiyo ikiwa na starehe nyingi. Tujueni ikajulikana. Biashara madukani na kwenye masoko zikaongezeka.

Baadhi ya watu waliokuwa wamempuuza Mkazeni wakasema, "Oneni mtabiri yule na ndoto zake. Maafa aliyyatabiri ni hizi pesa tunazopipata? Alitaka tufe maskini? Muone sasa, amenyamaza jii kama maji ya mtungi. Anasema anaihubiria familia yake isijihusise na biashara haramu. Biashara gani haramu hapa? Cha kupata si cha kuiba."

Baada ya muda, familia nyingi zikaanza kulia. Utabiri ukaja kutokea kweli. Wadudu walikuwa ni UKIMWI na joka likawa maangamizi yaliyoletwa na madhara ya UKIMWI. Wanakijiji waliathirika na kujuta. Kituo hicho cha biashara kikawa na sifa mbaya. Watu wengi wakafa na biashara ikazidi kufisia.

Mkazeni akawa anasikitishwa na matokeo ya mapuuza na tamaa za wanadamu. Kwake ye ye na familia yake waliendelea kuishi vyema kinidhamu.

- 31.** Mkazeni alikuwa karimu kwa sababu
- alitabiri mambo mengi bila chuki
 - aliwatabiria watu mambo bila kuwalipisha
 - watu wengi walimwendea kwa utabiri
 - watu wengi walimdharaa lakini hakulipiza
- 32.** UKIMWI ndotoni unawenza kulinganishwa na:
- wadudu na joka kubwa
 - matrela na madereva
 - madereva wenye wadudu
 - vijana wenye wadudu
- 33.** Wanakijiji wanaposema, "Sasa nguvu zako za utabiri zinapotea" wanamaanisha:
- Mkazeni si mtabiri tena
 - wanaushuku utabiri wa Mkazeni
 - hawautaki utabiri wa Mkazeni
 - Mkazeni hutabiri yasiyo ya kweli
- 34.** Biashara madukani ziliongezeka kwa sababu
- watu wengi walikuja kutafuta utabiri wa Mkazeni
 - kulikuwa na starehe nyingi katika masoko
 - Tujueni ilikuwa kituo cha mapumziko cha madereva wa matrela
 - Tujueni ilijulikana na madereva wa matrela makubwa
- 35.** Watu wengi wa Tujueni walikuwa ni:
- wenye tamaa na watabiri
 - wapuuuzaji na watabiri
 - wenye tamaa na malezi bora
 - wapuuuzaji na wenye tamaa
- 36.** Kulingana na taarifa hii, UKIMWI uliendelezwa sana na:
- madereva wa magari na matrela
 - wafanyibiasara wenye matrela na magari
 - madereva wapitiao katika vituo vyta biashara
 - wazazi wenye tamaa ya kupata mali
- 37.** Baada ya Mkazeni kupuuuzwa ~~tena~~ alichukua hatua zipi?
- Alitabiri mara ya pili na kungojea matokeo
 - Alibishana na wapuuuzaji na kuwapa matokeo
 - Aliwaangalia tu walimpuuza na kuendelea kutabiri
 - Alinyamaza, akaongoza familia na kungoja matokeo.
- 38.** Kutojihadhari kabla ya hatari ni sawa na:
- kutojitayarisha kukabiliana na tatizo
 - kutoshughulika na hatari
 - kutoshughulikia matatizo yajapo
 - kutoogopa madhara ya tatizo.
- 39.** Familia ya Mkazeni ilinusurika kwa kuwa:
- ilikuwa ikifundishwa kuhusu utabiri
 - haikufanya biashara na madereva
 - ilizingatia maadili na mashauri
 - Mkazeni alikuwa mtabiri
- 40.** Kichwa kifaacho zaidi kuelezea kifungu hiki ni:
- Mkazeni wa Tujueni na utabiri wake
 - Asiyesikia la mkuu huvunjika guu
 - UKIMWI utaangamiza watu wengi
 - Mchelea mwana kulia hulia mwenyewe

Maendeleo ya nchi hutegemea mchango na juhudzi za kila mwananchi. Hata hivyo ni jambo la kusikitisha kuona kuwa baadhi yetu tuna fikira zisizo za kizalendo kuwa wengine ndio wanaopasa kuiendeleza nchi. Watu wa aina hii hutarajia serikali kuwafanya hili na lile. Hawathubutu kujiuliza, je, mimi nimeifanya nini nchi yangu?

Inafaa tukumbuke kwamba nchi ni kama chombo cha usafiri na kila mtu ana wajibu wa kuhakikisha kwamba chombo hicho kimekwendza ipasavyo. Tunahitaji kuwa na bidii za mchwa za kujenga kichuguu. Tuwe na umuja wa nyuki ambao, japo ni viumbe wadogo hudiriki kutengeneza asali ambayo huwafaa wao na kuwalisha binadamu. Ikiwa vidudu hivi vinaweza kuilisha jumuiya, sembyuse sisi?

Mungu amemtunukia kila mmoja wetu vipawa anuwai. Ni juu yetu kuvitumia vipawa hivi kuinua uchumi wa nchi. Tukijitahidi pamoja tutaweza kutatua matatizo mengi yanayoikumba nchi. Tukumbuke kwamba kinga na kinga ndipo moto uwakapo. Wananchi katika nyanja mbalimbali hawana budi kuziimarisha nyanja hizi ili kuinua hali zao za maisha. Mathalani, wakulima watumie njia za kisasa za ukulima ili kuzalisha mazao mengi. Wakifanya hivyo, tutaweza kukabiliana na baa la njaa ambalo linawadhuru wananchi wengi.

Vijana nao wana jukumu lao kwa taifa. Wewe kama mwanafunzi, unaweza kuchangia maendelo ya nchi hii kwa kushiriki kikamilifu katika shughuli zote za shule. Ujibidiishe viliyvo, si katika masomo pekee, lakini pia katika michezo. Kwa kuiendeleza michezo ya riadha na hata ya kuigiza, utakuwa umeiendeleza nchi kwa kuukuza utamaduni wako. Isitoshe, unaweza kushiriki katika shughuli za kuzoa taka katika mtaa ulio karibu na shule yako. Ukifanya hivyo utakuwa umeitikia wito wa serikali wa kuhifadhi mazingira.

Sehemu za mashambani zinahitaji kushughulikiwa kimaendeleo. Licha ya kuwa sehemu nyingi zina rutuba, vijana wengi baada ya kupata masomo huhiari kuhamia mijini kutafuta kazi zenye hadhi. Mashamba yameachiwa wazee na bila shaka mazao yamekuwa haba. Hebu tujiulize, je, ikiwa sisi vijana tutaziacha sehemu zetu na kuhamia kwingine, nani atakayeziauni? Je, hatujui kuwa chetu ni chetu na nguo ya kuazima haifai chochote? Ni vyema tukumbuke kuwa ikiwa tunataka kusaidiwa kuendeleza sehemu zetu, ni lazima sisi wenyewe tuwe tayari kuzitumikia kwani abebwaye hujikaza. Mapenzi kwa nchi ni muhimu mno. Shime tuungane kuijenga nchi yetu.

- 41.** Maendeleo ya nchi yanahitaji
- A. kushughulika kila mara katika kilimo
 - B. ushirikiano wa kila mwananchi
 - C. kutotarajia serikali kufanya lolote
 - D. watu wengine kuendeleza nchi
- 42.** Watu walio na fikira za kizalendo ni wale:
- A. wanaotarajia kusaidiwa kila mara
 - B. wanaowataka wengine kushughulikia miradi ya maendeleo
 - C. wasiojua wameifanyia nini nchi
 - D. wasiopuuza wajibu wao katika kuendeleza nchi
- 43.** Nchi ni kama chombo cha usafiri kwa sababu:
- A. wananchi wasipoideleza nchi itazorota
 - B. bila chombo usafiri haufanikiwi
 - C. wananchi wasiporudi mashambani nchi itazorota
 - D. bila wasafiri nchi haifanikiwi
- 44.** Binadamu wanalinganishwa na nyuki kwani
- A. wakiwa na bidii nyingi wanaweza kujifaidi wao na wengine
 - B. nyuki wana umoja japo ni viumbe wadogo
 - C. wakiwa na umoja na bidii wanaweza kujifaidi wao na wengine
 - D. nyuki na mchwa wana bidii za kujenga.
- 45.** Katika kifungu, matendo yanayoonyesha ukweli wa methali, "Kinga na kinga ndipo moto uwakapo" ni:
- A. vijana kuzoa taka na sote kushiriki katika michezo
 - B. wote kurudi mashambani na kulima kwa bidii
 - C. vijana kudumisha utamaduni na kuimarishe elimu
 - D. ushirikiano wa nyuki na wananchi kujitahidi pamoja
- 46.** Kulingana na kifungu, matatizo mengi yatatatuliwa iwapo
- A. tutafanya kazi kwa pamoja bila kuzingatia tofauti zetu
 - B. sote tutakuwa na vipawa tofauti tofauti
 - C. sote tutajibidiisha katika masomo yetu
 - D. tutatarajia misaada kuinua hali za maisha yetu.
- 47.** Vijana
- A. wanapaswa tu kushughulikia masomo
 - B. wanapaswa kusoma ili kukuza utamaduni
 - C. wanapaswa kushiriki kuimarishe nchi katika nyanja mbalimbali
 - D. wanapaswa kushirikiana wao kwa wao kuinua na kuimarishe kilimo
- 48.** Kulingana na kifungu maana ya kazi zenyehadhi ni:
- A. kazi zinazolipa mishahara mikubwa
 - B. kazi zinazofikiriwa kuwa bora kuliko za shambani
 - C. kazi zenyeh marupurupu mengi kuliko za shambani
 - D. kazi za walio na elimu ya juu
- 49.** Kulingana na kifungu hiki, abebwaye hujikaza ina maana:
- A. unaposaidiwa lazima nawe pia ujitätahidi
 - B. ukibebwa mgongoni usilegee kamwe
 - C. tusitarajie kusaidiwa bila kusaidia
 - D. tukiwasaidia wengine lazima tujitätahidi
- 50.** Ikiwa vidudu hivi vinaweza kulisha jumuuya, sembuse sisi? maana yake ni
- A. nyuki wanaweza kulisha watu wengi
 - B. binadamu ana uwezo wa kushirikiana
 - C. nyuki wana ushirikiano kuliko binadamu
 - D. binadamu wana nguvu za kuzalisha kuliko nyuki